

lipcu; duch, **-a** (animus), **-u** (spiritus); środek, **-a** (srjedzizna), **-u** (srědk); geniusz, **-a** (škitowacy duch), **-u** (génie) atd. — Čežko pak je dosahacu přičinu wudać, přečo Polacy přećiwo wšej wotdobje tež při někotrych žiwjeńskich genitiv na **-u** tworja, kotrež pak ma tež we akkusativje město, jako: wól — wołu, bawól, bobr, zwierz, drozd, drop, skop, gad, trąd (wčoła). — W illyrskim jazyku kónči so genitiv bjez wuměnki na **-a**.“

Tak daloko Čelakovský. Z teho widzimy, zo je kóždy napomjenych słowjanskich jazykow z genitivom na **-u** svoje samsne puće šol. A tež ani to so njehodži prajić, zo bychu nježiwjeńske w čěskim powšitkownje abo přewažnje genitiv na **-u** měle. Nětko pak pohladajmy na lužisku serbšćinu.

§ 4. Wzmimy najprjedy tele wurazy: Nóż, jěž (dluž. jež), muž, mječ, žoľč (dł. mjac, žole), hósć, hózdz, žoľdz (dł. gosć, gozdź, žoľž), kraj (dł. křaj), khmjel (dł. chmjel), kónc (dł. końc); pjenjez. By žadyn horno- abo delnołužiski Serb ‘wot nožu . . . wot khmjelu . . . wot kóncu’ prajił? Nikuli! Duž móžemy tudy za serbšćinu tele (horjeka hižo za druge jazyki spóznate) prawidło postajić: Genitiv na **-u** njehodži so pola nas za mjehkowukhódne słowa, tež hdy by něhduša mjehka kóncowka so zhubiła była.

§ 5. a) Nětko podamy wjetšu ličbu twerdownukhódnych (najbóle jenosylbiskich) wurazow, zo by čitař po svojim ryčnym čuěu rozsudził, hač móže so tu genitiv na **-u** tworić, abo hač so to njehodži.

1. Słowa na **h, ch, g, k** (krkniki): Bóh (gen. Boha), brjoh (ufer), proh (schwelle), roh (horn), doľh (geldschuld), spřah (gespann), běh (lauf), sněh, hrěch, měch, plěch, směch, wjerch, mnich, hroch, moch, proch, duch, dych, brjuch, kruch, worjech, kožuch; dźak, mak, prak (gesindel), prask, pjatk, ptak, swak, sak, zak (tasche), złamk, wjelk, keřk, kwětk, pěsk, srědk, trysk, lik (trichter), bok, kłok (pfeil), prok (bolzen), sok (linse), skok, hoľk, wósk, štwórtk, bruk (käfer), suk, zwuk abo zuk (schall, echo), zynk (ton, laut), smyk, rynk, rapak, swjatok, słownik, započatk.

2. Słowa na **z, s, dz, c** (jednore syčawki): Rěz, bóz, mróz, wóz, powóz, rječaz, mosaz; čas, kwas, pas (gurt), pos (psa),